



是窩集 一々二

賦詩疏

~16
2393
1



和 16
2398
1-3



是窩遺稿目錄



卷之一

賦

至日賦

詩

寄人

九月十三日夜獨坐偶次明道春日韻

過林將軍慶業舊居

達川悲申金兩將 二首

結州客館次雙梅堂韻

是窩遺稿目錄

和 16
2398
1-3



是窩遺稿目錄

卷之一

賦

至日賦

詩

寄人

九月十三日夜獨坐偶次明道春日韻

過林將軍慶業舊居

達川悲申金兩將 二首

結州客館次雙梅堂韻

是窩遺稿目錄



次金休翁江亭韻

早秋

遊香林寺

假山安盆水養小魚兒十許頭鱗鬣可數
二十後白毛種種感而有詩

遣興

秋夜書懷

遣懷

初冬

任休窩有後挽

詠懷

癸丑之冬在公山漂泊有詩

在諫院言事被譴即遞

春日病臥書懷

暮春病起二首

雨後雜題二首

仁宣王后挽詞

屏居

早秋雜題二首

覺心上人構一小菴且求書因以贈之

雨

再入陽陰山宿廢寺

伊州雜詠 四首

詠雲

伊州客館次韻

余於前歲辭朝之時 先王聖候惟漸臣庶
遑遑余默自念此生尚得復近清光乎仍
撒涕而退自奉諱以來旅憇窮峽歲已周
矣今值陞辭之日撫事傷感痛楚終晷遂
成此詩云

與數三同志遊無住菴

乙卯八月二十九日 二首

送朴晦叔銑之任鴻山 二首

集歸去來辭字 十首

江漲

余羸臥一年登覽之樂一切廢矣今日趣到

試上後山脚登高望遠惘然不樂因有詩

金丈克厚挽 二首

余髮白久矣亦未見純白者今歲得皤然數

根悵然賦之

丁巳三月有文兼之 除呈病得遞
春日臥疾偶得遊覽之樂亦奇事也

偶題

戊午春祝

庚申九月二十一日夜臥感懷率爾口占

仁敬王后挽詞

金領台壽恒女挽

未到義州十許里望見江外羣峰歷歷可識

是日始有去國意

到義州見兒子書喜而有詩

夜驟雨感懷

醉渡鴨綠江口呼一絕寄從弟濟東

記夢

實勝寺

薊州立佛

曉發通州

發薊州

宿玉田縣感陽雍伯種石得玉事有作

薊門烟樹

夷齊廟

出山海關有感

道遇山海城將獵處以一絕記所見

曉發杏山望月有感作關山月一律

生日傷感成二律既以自悲且言其志

發遼東

胡歌

燕行雜詠六首

申公獻琬夫人挽

大王大妃殿端午帖

追記昨歲夏迫於書狀入京仍拜太僕正於

直宿夜偶吟

醉後偶吟

前月俞寧叔得一投示賀班韻懶未答無何

寧叔為嶺東佐幕之遊遂次韻以贐

明聖王后挽詞

朴晦叔老兄將之任原城以一棹就別

晦叔有書來知板輿之奉已泊廣津約以明

日叙別書此以寄

偶吟

吳貫之道一書來自謂仙區成趣視吾輩封

疏惹風波相去甚遠撫耳自幸云見之欲
噴飯遂以二絕却寄

次趙光甫持謙韻二首

次朴大叔鐔韻

趙祥甫儀徵殤子挽

病醒困臥窗外風雨淒然適任生震明送酒

求詩書此以寄

聞安友墳菴梅花盛開病酒困臥無意往賞
適小溪折來滿枝繁英把玩久之仍叫一
絕

得一朋字韻將呈金都事植丈與定山守及

諸友會江閣金丈又以前韻二首及別有

一律絕寄來書此以謝四首

入城將還申公獻以一壺寄來兼有詩還家

書此以謝

趙獻納宗著初度祥甫來設壽酌余亦赴會

書一律以賀

趙光甫挽

贈別趙生命興

次壺谷南尚書龍翼日涉亭韻

送崔汝和錫鼎副使赴燕

送柳集仲成運赴自如郵

寄錦山守權君敬持

金佐郎萬翼挽

久堂朴判書長遠夫人挽

壺谷南尚書小構在玉流洞泉石頗有趣

卷之二

疏

辭持平疏

辭正言疏

擬上疏

卷之三

疏啓

辭持平疏

辭持平疏

辭掌令疏

辭正言疏

再疏

三疏

辭掌令疏

執義時避嫌啓

代肅川儒生請建栗谷書院疏

辭校理疏

辭執義疏

辭修撰疏

辭獻納疏

辭副校理疏

辭執義疏

辭執義疏

辭副修撰疏

卷之四

序

送柳集仲赴自如察訪序

記

怪石記

怪石後記

續怪石記

浮榭記

題跋

書法言抄後

先府君穡堂遺稿跋

書戊午送終錄後

書俞氏世傳孝行錄後

林碧堂俞公夫人金氏遺稿跋

雜著

客問

雜記

教書附不允批答

教平安道觀察使申翼相書

領議政金壽恒再度呈辭不允批答

祭文

掃墳祭文

祭亡弟斗東文

祈雨祭文八首

興陽鹿島雙忠祠 賜額祭文

祭趙光甫文

梅月堂畫像奉安祭文

卷之五

策問

敬者聖學所以成始成終

天下祇有善惡邪正二塗而已
學者所以變化氣質

上梁文

蜃樓上梁文

花山別業上梁文

墓誌後記

先府君墓誌銘後記

行狀

姊氏行狀

外舅通政大夫行公山縣監鄭公行狀

卷之六

科體

禮義苛政猛於虎

易義言行君子之所以動天地

禮義君子不盡利以遺民

璣衡齊七政賦

卷之七

科體

田制策

卷之八

是為貴高目錄

十

附錄

祭文

挽詞

前後諸臣奏啓

擬是窩公史傳

賦一詩一百二十二文六十附錄一編

上之十五年己未孫德弼守星山銀板藏于

海印寺

是窩遺稿目錄終



是窩遺稿卷之一

賦

至日賦

丁未之歲建子之月節屆閉關微陽肇達韓子惺惺
 發省趺坐一室冥覩天意反躬兢怵曰二氣之軋四
 蛇其迭十月之交也積陰用事陽道其熄乾慘坤肅
 萬寶摧剝生物之心幾乎絕矣幸茲陽亨消了不得
 剝床之餘碩果不食窮上反下七日乃復無中含有
 一聲雷疾出入无咎生意其蘖易曰復其見天地之
 心豈虛乎哉惟人稟命靈粹無匹並立三極拇出庶

附錄

祭文

挽詞

前後諸臣奏啓

擬是窩公史傳

賦一詩一百二十二文六十附錄一編

上之十五年己未孫德弼守星山銀板藏于

海印寺

是窩遺稿目錄終

是窩遺稿卷之一

賦

至日賦

丁未之歲建子之月節屆閉關微陽肇達韓子惺惺
 發省趺坐一室冥觀天意反躬兢怵曰二氣之軋四
 蛇其迭十月之交也積陰用事陽道其熄乾慘坤肅
 萬寶摧剥生物之心幾乎絕矣幸茲陽亨消了不得
 剥床之餘碩果不食窮上反下七日乃復無中含育
 一聲雷疾出入无咎生意其蘖易曰復其見天地之
 心豈虛乎哉惟人稟命靈粹無匹並立三極拇出庶



物本心明德秉彝做出顧茲外物侵淫蛆蝕私偽既
熾良性其牯迷而不反憤爾罔暴豈不可悲也哉若
余者性質既駁問學不篤二十二歲中道墮墮人窮
反本古亦有說逮茲陽反善端忽發細算咎失可悔
非一羞叢愧族顏心慄慄然發悸操觚自述噫余
平生篡名是亟名之所在褻裳濡足得譽自意聞毀
則戚一凡是非便自盈涸從事實實罔知其惑噫余
平生業文惟劫耗費精神副賊心術土梗詩書芻豢
莊列繡繪藻績彫篆自悅用心小技不悟其失色能
戕身惟余是溺女室如蠱不或圍慾外雖矜莊有愧

幽獨邪思難禦敬心已鑠念之于今未免吻塞酒能
移性惟余是養纔得醺醺式至兀兀表失威儀裸亂
氣血言語迷悖心神喪汨念之于今謾自中怛甚至
素位不安倘來是覓厭薄貧窶歆艷福澤章句是負
科第擬摘斗筭不量功名思弋是誠何心愧達于色
而况性惡修飭心喜蕩佚發言無章持行有缺道絀
同衾經綸自必智未周身人過是挾今乃大覺欲齧
其舌不特此也浮誕已痼忠悃甚薄溫雅不取滑稽
自適心地狂踈不堪橫逆挺行躋伏形若土木嘻嘻
戚戚卒罔自白尤可痛者歲晏萱闈慈顏白髮饑寒

日黝甘毳屢闕子職茂供忠養無日由米莫負參耕
不恤北堂憂深南陔痛切且也早詠蓼莪迄全視息
才非繼述謾貽忝辱綸緒衰替家聲索莫堂構已矣
負薪罔克餘生風樹罪巨覺積嗚呼所貴乎人豈無
其實謂能全德不虧美質大塊賦形聖愚無別悖焉
者凶修之則吉我獨何帛負難追孽嘻乎咄哉凡此
數事固余實錄其餘倍理難以悉索一余之身兼有
衆慝此不慚恥禽獸奚擇嗟哉余也曷其不作猶庶
幾者倘噬今臍可補前刑聞義則遷改過不悌君子
攸貴懦夫所忽苟服斯言不為物奪雖未善始斲其

有卒伊昔邁四十化八聖人域周一三橫踐忠孝闕
古人古人我心先獲今吾以茲誓于心臆天地實聞
鬼神在側繼自今舊染前習盪沃滌被恭敬自持淫
邪克黜不飶名譽莫淫筆札旨酒視鳩妍色遇楛凡
百畔道源塞本拔盡心色養怡怡晨夕苟能盡懽不
愧啜菽夙興夜寐先人以勗黽勉自力前烈克續倘
食斯言人鬼其殛

嗟乎此余去年至日所賦也方其賦此也豈
不欲因此而自新乎曷至于今未也今年冬
余居花山之墅是年也適有有司之選奉

是宮遺和卷一
三
聖策於大庭矣賦命竒覺有屢舉不中之歎
左次窮巷有眉不伸蘊憤之中復值至日爰
發舊篋搜得此文則紙已故而字漫漶矣遂
記于此庶其不失也噫自去年作此之後窮
陰漸消陽道漸亨至于今日天道一周歲功
已成而顧余則一依舊人能不悲哉吾於今
日有愧於至日賦者多矣而况家日益貧親
日益老志氣日益銷腐意向日益廢墜雖以
彫篆之末藝亦且有尺退而無寸進則於斯
乎可無感也耶從今以往凡幾至日而凡幾

感乎雖然苟可以因悔自艾踴躍奮發革舊
愆而章新德則吾之心亦合乎天矣且將仰
不愧於天俯不作於人尚何感於至日乎著
此說以資他日觀省而且於明年至日庶無
感焉亦且無愧於至日賦云爾戊申至日花
山真逸手書

詩

寄人

以下五首
以時作

達人名利視浮雲終古靈區絕世紛靜塢春光梅欲
報高樓琴韻鶴先聞潺湲枕上潮聲近歷落原中樹

色分因想江村新醞熟也應洗杓醉醺醺

九月十三日夜獨坐偶次明道春日韻

雲開月上見天容霜菊分明數片紅人物百年駒隙
似山河千里蟻丘同安排貧病忘言裏燮理身心寡
事中莫遣深源書咄咄世間無限老英雄

過林將軍慶業舊居

皇朝當日恤東民二百年中字小仁環海孰非同軌
物完山曾是讀書人平時節義期清士畢竟綱常係
武臣不忍今來逢舊宅夕陽明滅蔽荒榛

達川悲申金兩將

揔兵心事竟誰知苦被人間走卒嗤失律蒼黃非長
子捐生明白亦男兒是非百代終須定名實千年謾

起疑無限彈琴臺下水至今嗚咽有餘悲

右哀申
揔兵砒

臨危報主寸心堅抵掌談戎氣自專國恥未除惟有

死雄圖莫展始知天英雄海內生難再才命人間竟

孰全若使指揮能早定中興功業失諸賢

右哀金義
州汝吻

結州客館次雙梅堂韻

十室仍湖右烏棲卽案前寒潮增夜雨老樹隱秋烟
鼓角荒城下耕桑大野邊鈴齋據梧久風味轉蕭然
次金休翁江亭韻

吳宮遺稿卷一 五
舍影當流轉帆光八戶開空汀潮有信靜夜月無猜
留客嘗新果呼兒問舊醅分山約可遂便欲賦歸來

早秋

小齋秋氣早時序密相推破砌蛩吟集寒枝鳥影移
寬心惟愛酒省力欲休詩永夜愁無寐風櫺曉色遲

遊香林寺

一醉香林寺耽遊意未闌寒泉眷細石虛閣納層巒
村酒留僧酌山瓜上客盤夜深衣袖濕忽覺在雲端
家有四箇假山安以盆水被以雜卉葱龍可愛
養小魚兒十許頭鱗鬣可數也喜而有詩

拳石衡廬大盆池渤海寬門庭辨遊賞几案即江山
弱植莖鬚側儵魚窟宅安箇中仁智樂說與俗人難

余年二十後白毛種種以為不祥未嘗形之於
文字矣噫古人不諱死髮白奚諱焉悄然虛榻
秋氣逼人感而有詩情見于辭

一室蕭條最琴書興轉孤露華明細菊秋色寄高梧
白髮添詩料殘生怯歲徂十年塵土累深愧負微軀

遣興

涼風遶茅屋爽氣頗宜人詩律逢秋細鄉愁八夜新
柴荆存晚計妻子畏長貧寂寞披塵簡荒庭露菊頻

秋夜書懷

悠悠河北注忽忽景西頽性癖耽詩卷途窮感酒杯
霜濃籬菊艷風急砌蘭摧宋玉多文藻騷成謾自哀

遣懷

晚起步幽墀小齋清旭宜天涼霜鷓健風逆陣鴻移
病抱相如渴騷憐宋玉悲黃花開滿地採掇獨移時

初冬

已了人間世長吟行路難窮嫌詩律瘦拙覺宦情闌
凍雀窺窓罅飢烏鬧井欄柴荆無客到隨意數層巒

任休窩有後挽

邈回中歲失騰騫遭遇功名晚節尊乍道福星隨皂
蓋誰知靈櫛換朱幡蜃宮半夜珠胎失鄴獄千年劍
氣寬小子瞻依無處所偏懷疇曩擊蒙恩

詠懷

大隱吾何敢頑疎世共嘲權門休統駕貧道與論交
石縫蟲留網簷稜雀置巢行藏思爛熟終欲老荒郊

癸丑之冬在公山漂泊有詩

淳厖憐峽俗生理問山家儉歲民無粟暄冬樹欲花
境幽巖獨虎林密受昏鴉隨意尋松徑披衣坐古槎
在諫院言事被譴卽遽

寬劍看衝斗祥金恥躍爐朝廷蒙記憶言責付疎愚
世肯饒狂士天應厭腐儒田園歸未得舊業日荒蕪
春日病臥書懷

養拙終南宅風塵憔悴身花時仍臥病鶯語始知春
點藥從兒婢收書倩孺人屏居聊自適門徑草如茵
暮春病起

亂紅裝廢苑深綠染寒蕪暖日鶯求友微風燕護雛
女誇新服穩妻喜舊病蘇且欲謀多醉家貧酒債無
其二

雨屋圖書冷春園杖履香栽蔬分藥畝聚石當山岡

抱藥蜂腰重銜泥燕翅忙花時行晚晚吟望獨心傷

雨後雜題

小齋移夕照烟靄暝門屏暮雀投巢感春鳩報雨靈
少晴親友阻多病濁醪停棄置宜疎放終年臥草亭
其二

虛室衣裘濕浮涼欲透簾蝸行書古壁蛛網織晴簷
潑灑池痕厚微明岳色添柴荆車馬絕幽獨愜吾潛
仁宣王后挽詞

聖淑儀中壺占沙慶緒遙母臨餘一紀榮養備三朝
桂魄纏妖祲星軒晦絳霄黃驪觀葬 聖天日颯風

賦

屏居

夙歲耽閑逸端居養性靈逢僧評水石留客問朝廷
露井承晨旭盆池寫曉星門屏人跡絕爐篆裊微馨

早秋雜題

小齋流火節秋氣稍成悲屋老蛛交網庭空雀引兒
袍新縫野葛厨儉饌園葵早慕敲推學苦心傳與誰

其二

歌枕破昏睡曠然披我襟疎簾通夜魄虛閣貯秋陰
得失塞翁馬身名昭氏琴念茲以自遣不用惜淪沈

覺心上人自戲狼枉錫云構一小菴且求書因

以贈之戲狼平
康山名

自別中興久相逢十載餘梯雲聞創寺携卷說求書
行苦知形瘦談精慮欲祛山扉乘暇日重訪使君居

雨

竟日閒齋卧浮涼透弊袍殘雷噴遠樹驟雨洗寒臯
散沫添泉厚餘霏助黍高今年期歲稔庶使慰嗷嗷

再入陽陰山宿廢寺

再來陽陰山山深亂瀑吼黃緣履巖腹鬱紆行林首
遊頻記水石節換惑原藪孤霞翳壁色長藤掃谷口

攀躋造僧廊殿宇頽已久境靜苔蘚合人遠楓楠壽
孤塔雨淋歌蠹梁嵐蒸朽果熟溪鳥啄龕古山精守
終年抱幽鬱半日成閒趣夜深靈籟息室虛風八牖
明朝下城邑尚歎縻組綬

伊州雜詠

蕭條伊買縣墟落里閭稀嶽影染官舍花陰香吏衣
體慵便務簡年早悶農饑為郡慙無術長思陶令歸

其二

十室仍高臥頑疎吏隱慙近關邊氣接行縣俚音參
絕頂山田闢閒居峽俗諳優游天餉厚文史得幽探

其三

空峽居人少寬閒實奧區湯餘經浴 聖墻古舊防
胡壤地耕宜粟農商俗賤儒所希年屢稔凋瘵獲昭

蘇

縣有溫泉
在縣北古人築墻防胡遺跡尚存

世宗嘗臨幸之防牆

其四

官扉常晝掩事簡吏人疎地理鄰關塞民風近遠初
稅微輸火粟厨薄膳溪魚京洛親朋在終年不見書

詠雲

在伊州悅
雲亭作

舒卷孰主是物情難細尋栖林蒸曉白映地作秋陰
直度迷山貌平沈惑浦心則知膚寸效猶得旱成霖

伊州客館次韻

吏舍終年跼羈幽意轉傷州貧因歲儉俗樸等天荒
體適仍莊傲才疎豈漢良理人無異績今日愧遺棠
余於前歲辭朝之時先王聖候惟漸臣庶違
遑余默自念此生尚得復近清光乎仍撇滯而
退自奉諱以來旅憇窮峽歲已周矣今值陞辭
之日撫事傷感痛楚終晷遂成此詩云

先朝憑几日窮峽佩符行郡邑形仍滯園陵草已
平眼中新俊傑身上舊簪纓漂泊丹心死羈孤白髮
生蕭辰千慮集衰世一身輕尚愧牽殘秩行謀返舊

耕平生報國意今日向誰明

與數三同志遊無住菴

吏役跼終年名山負宿緣幸有同心友遂得窮遐延
攀藤履危石鑿林見遠川結宇基嵬岌開確導清漣
種植記無學靈降傳羣仙崖傾磴色晦雨過山顏鮮
開軒瞰前郊秋色何蒼然笑談陶永日遙陰下夕筵
途窮宦情刑賞幽外慮捐願言謝愛網洗心依白蓮

乙卯八月二十九日

歲事已虛擲身謀嗟短蓬秋聲傳敗葦江影倒寒楓
佳節重陽迫窮途百慮空遙知故山夜風雨此時同

其二

對酒不能飲悲哉遊子心
年華銷舊鬢秋氣入宵衾
為客燕同寄有詩蟲共吟
蕭辰自多感何必在登臨

送朴晦叔銑之任鴻山

邑稱湖右最風土亦佳哉
壤盡鵝城闊天連翰嶽開
訟庭山鳥下官市海魚來
東閣長多暇時應寄驛梅

其二

契闊龍山會分離又此筵
多愁嫌止酒念別惜昏眠
殘夜燈熏壁寒洲水蘸烟
勉君貞白志行矣莫徒然

集歸去來辭字

歸去來何事田園已就蕪
人生行老倦世路實崎嶇
及物非無策求榮有是夫
樂天還委命奚復問前途

其二

人有田不去無田吾自歸
鳥來時引子雲遠或成衣
丘壑相將去尊榮我已違
觀生言可復萬事貴知幾

其三

涉世悲形役歸田覺策良
消搖還自得去就亦何常
時候農人問琴書稚子將
日成詩酒趣不復恨流光

其四

人情吾已審僕僕欲何求
榮路容盤木迷塗寓壑舟

長安道和老一
有園還獨樂違世可三休自覺幾關息無心問貴游

其五

世事已而已吾鄉吾老焉
留窓容遠岫引杖出奔泉
來去猶安命流行欲問天
登臨風景絕為樂及春前

其六

扶策尋荒菊携書就遠松
心存猶向日形寓欲乘風
有趣時觀物無懷或話農
衡門自可樂何事役西東

其七

已絕扶搖願風雲不可期
有心悲往世無事樂清時
形老親知問交休世路疑
良辰還獨去景物入吾詩

其八

有非知有是無物亦無余
酒盡巾猶設風清嘯易舒
親交寓行路輕策傲乘車
時就前榮甜還尋老子書

其九

衡宇臨流設松門就壑安
飄游悲往事倦倚寄遐觀
來往田疇易扶藜親戚歡
壺觴晨自酌遠物入春盤

其十

歸田猶有賦人去獨其言
松菊流風遠琴尊往事存
景行期入室生世願登門
欣悅將何及吾今欲絕奔
陶淵明歸去來辭有蟬蛻
塵埃浮游萬物之

想豈特文章之美而已哉前輩文人眷慕遺
韻多有集其辭爲詩者廢居之隙愛玩吟諷
獨恨其語頗拘硬體或槁缺豈非集字之作
畦逕見局步履莫展故耶遂不揆淺拙綴成
蕪語敢肆操戈之狠情蓋切沾膏之卑願耳
余又因此而竊感余平生焉余自羈角劬文
覓舉性旣闊誕沮於進取且念慈闈衰耄饋
糗愆懸遂專意奉檄再從吏役牛羊芻牧之
責米鹽冗雜之務豈弊性所堪亦豈其所樂
哉前年在伊州病甚益悒悒不樂乃解紱還

鄉噫余年二十四以己酉十月釋褐卽潛且
年翌年庚戌秋出莅湖邑越四年癸丑春棄
還家食其年冬在諫院 先朝知賤臣狂妄
置之軍衙者半載甲寅秋赴伊州乙卯臘月
辭歸今年三十一矣出身七年之間在京供
閒者無多被它迫束驅策以朱墨自困每遇
小兒嘴面則熾趨磬折於拜迎之際唵吟唯
諾於酬對之頃當此之時其有愧於陶令者
多矣且緣受氣虛餒多病早衰眼昏齒搖顛
毛已華精神遁叛筋力消腐僕於世事其志

長安道和卷一 十四
蓋已荒涼矣尚可以利心弊神於刀筆之間
以傷其危敗之軀哉自閒居以來養痾藏拙
甚得其宜所居有山川林麓之觀粗可以盤
桓舒暢非敢匹伊州於彭澤等粟里於花山
而其幽情遠致自謂不減於前人矣仍恨室
廬卑狹無容膝之所欲構數椽屋子額曰來
窩因取拙詩集黃耆老所書歸來辭字摸之
於壁日游處其中而家貧力絀尚未也詩既
就姑記諸此以需吾窩之完且志其所感云
花山野逸書

江漲

大江饒風沫空壁鬪雷霆積氣靈殘日浮光浸列星
渚平寬鷺浴崖閣受龍腥不識神靈意蒼苾坐小亭
余羸臥一年登覽之樂一切廢矣今日趣到試
上後山脚登高望遠惘然不樂因有此詩時丙
辰重陽後一日也

今朝仍撥病蹇步試山行水落沙稜出天長野氣平
船通楮子島波接漢陽城悵望佳期暮勞歌空復情

金文 克厚 挽

先友惟公在追陪不異方任真鄉黨敬調氣壽年長

長留遺和老
一三五
公常云以多病學調息之術因
以康健公享年七十五歲矣
崖口纔移築阡封遽

卽堂傷心手栽菊猶及葬時香

其二

東關賦歸歲喜遂託鄰情鑿水分泉脉通林辨杵聲
病時傷泯沒在日少經營江漢終無極蕭條處士名

公病時余往候之則執手歎曰吾年近八耄死復何憾
紙以泯沒與草木同腐為耿耿耳且云吾平生處
貪未嘗一事經營為也公沒後欲
以處士書其旌羣議不一未強

余髮白久矣亦未見純白者今歲得皤然數根
悵然賦之

浮年遂如此奈此鬢毛衰久識終難漆無端稍已絲

疲痾仍壯歲偃蹇獨明時棄置不須道世人多子奇

丁巳三月有文兼之 除呈病得述

老去貧仍病遺榮得自娛平弓還藥債糶麥飭山厨
拙計防幽性明時薄腐儒行藏吾已定非欲著潛夫

春日臥疾偶得遊覽之樂亦奇事也

擊汰向平丘揚帆溯上流潮狂推斷麓風逆退行舟
樵李村村發鳧鷖箇箇浮茲遊信奇絕日暮未須愁

偶題

一室成癡坐終朝祗獨吟江湖無怨色漁釣結遐心
松老饒清籟禽春逞好音屏居多歲月努力保冲襟

戊午春祝

賤子新年祝東君倘可聆 聖朝勤至理慈母受遐
齡黃卷攻吾短丹鑪養性靈調病仍止酒終日喚惺
惺

庚申九月二十一日夜臥感懷率爾口占

四十貧家女一生在空谷少不任容色晚方學刀尺
浮光不相待年貌日凋落尚有貞白志徒然許蘭玉
郎不棄賤陋日夕申佳約豈不慕高義愧茲才容薄
長跪前致辭弱心良易戚却來理舊機寒梭響空壁
踈縷雖已就豈堪君子服默默增惆悵獨守霜閨宿

仁敬王后挽詞

一紀尊名正長秋壺則宜崇高遵禮教信順履艱危

神婺明常在慈雲澤自滋羣邪終掃蕩厚祇更寧夷

甲寅以後羣邪得志謀篡坤儀無缺卒不得售其計庚申茲逆駢戮是年十月

厭代中殿盛德宜傳世神明理莫推重傷沁園塔兩公先

菟竟闕少陽曦元終無美疾仍周末以痘疾妖文記漢

時漢實后崩時有星孛之異是年九月亦有星變崗陵方獻祝石鏡遽成悲

咫尺天顏訣蒼黃御仗移中殿寢疾後玄絃留

舊澤黼座輟良規古殿春陰合寒郊曉紵隨傳芳彤
史在遺詠播鴻辭

金領台

壽恒

女挽

代人也。得年僅十六，其母連生七男而後女，始生妍秀而有豐厚之相，警慧而具溫和之性。父教以列女傳，常手錄以覽。十四日亦化去，將葬于裕川兆次，兒葬在其側云。

台庭饒玉樹，異室鍾瓊枚。婉淑閨儀備，聰明女傳該。

洲珠圓易墜，霜蕙弱偏摧。璧潤纔迎壻，冰酥乍浴孩。

劍分收舊彩，丹就奪靈胎。寂寞埋香地，殤封次第開。

未到義州十許里，踰數峴望見鴨水拖白江外。

羣峰歷歷可識知，為我界盡處是日始有去國。

意以下二十五首燕行錄

長江一練抱重關，鞞鞞諸山指點間。家國別來能幾日，忽驚身已到龍灣。

到義州見兒子書喜而有詩

驛騎何時發書來，問乃翁別離能幾日。文字匪阿蒙，失母憐渠稚無家。念我窮關河杳不極，魂夢定難通。

夜驟雨感懷

七月龍灣館淹留，見客情秋陰連朔野。夜雨掛邊城，未有封侯相。空銜貫日誠，自嗟容髮換。書劍竟無成，醉渡鴨綠江口呼一絕，寄從弟濟東。

一渡鴨江水，便為異域人。來時無感色，今日浪沾巾。

是為書高卷一

記夢

死別常惻惻夢回如有親生時無歡顏逝日家轉貧
荒宅帶流水舊袍留殘絮蒼茫燕山道我行何日已
淒涼鹿門計錯莫身後事悲結不能寐獨坐擁寒被

實勝寺

媚佛應胡俗還思結構初寺從平地有僧雜野人居
畜騎供行脚滄羊當食蔬諸般俱外相真性自如如

薊州立佛

州有臥佛寺寺之創不知年代有遺軀偉異頂與殿齊中供佛記殿特高下立一佛形

老佛何魏巨經營不記年壽應齊萬劫高欲出諸天

色盪榆關月形蒸薊野烟誰知人代速滄海變桑田

曉發通州

州去北京四十里最為水陸衝會市驛列室屋盛麗殆與京都相埒

古府繁華擅雄城邑屋連地寒鄰朔野江遠受吳船
舉目市朝變傷心年代遷蒼茫獨立處初日照征鞭

發薊州

駐馬古漁陽燕山道路長野烟籠樹白邊日照沙黃
天地憐驕子山河慣戰場一元歸盡後知復幾滄桑

宿玉田縣感陽雍伯種石得玉事有作

搜神記

洛陽人性孝父母沒葬無終山山高八十里上無水雍伯置飲人有就飲者與石一斗種生玉

因名玉田

行到無終野江山亦起余異傳徵縣號潛德驗神書
地憶捐漿處田應種玉餘獨存殊代感悵望費躊躇

薊門烟樹近薊門地烟雲草樹終日相盪遠而望之其狀甚類於海余坐車中錯問

僕夫者屢矣迨而察之則蒼然樹色而已此乃北京八景之一也

茫茫元氣透雲烟極目天波接杳然初日照來成蕩漾
晚風卷處狀淪漣行人錯起乘桴想詞客虛吟望
海篇忽訝回看空樹色便知俄爾變桑田

夷齊廟廟在永平府之西北二十里灤水上流即孤竹舊國也

曩倫種二子清節乃相俱讓王逃仍並辭粟餓不孤
遺像儼千秋芬苾灤水隅風能廉百世力難存獨夫

憂來諷大誥頑民猶義徒

出山海關有感

藩籬防暴客城府控邊陲紐海排關壯躋崖置堞危
祇知扃鑰固未覺壑舟移保寇終如此山谿徒爾為
道遇山海城將獵處以一絕記所見

紅旗一一樹平沙毳服千羣靜不譁獵騎歸來鞍掛
鹿帳中傳炙勸酥茶

曉發杏山望月有感作關山月一律

圓魄臨關隴蟾華透弊麥孤輪千古輾徧照幾人愁
塞靜寒光徹沙虛皓暈流故園今夜月誰復上簾鉤

長安遺稿卷一
今日吾生日也孤露以後每成傷感前歲重以
悼亡仍佐幕湖西驅馳原隰之役今年又作關
塞之遊喪禍羈旅之際再遇劬勞之日默坐車
中撫躬傷悴且念不肖無狀半世顛冥其無以
飭躬保業貽令名於父母者而乃有謇辱遺體
之憂因循放失年髮日徂若不及今勇有懲厲
則惧遷革之無日也茲發誓願從今以前三十
七年如吾未生之前舊愆宿習一付前身光景
不必過自悔尤蓄在肚裏自此所得多少歲月
庶爲已分所有真心勤刻勿少退轉下流卑汚

一躍躍出則其所以息黥補劓者倘少瘳乎遂
成二律旣以自悲且言其志云

四十行將滿浮生覺已衰二年爲客路初度降吾期
薄命遭根殞無家任腹悲桑蓬四方志當日祝男兒
其二

從今比赤子擬報免懷恩新潔俸初浴前愆付宿冤
覆杯休劇飲緘口戢狂言毀譽從他鬧心源貴自存
發遼東

容窓吟不寐行李趁天明路極黃沙迥橋迴白塔呈

遼東有白塔寺過橋則見塔影亭亭近鄉饒去夢度漠念殘程待八滄

洲日漁樵老此生

胡歌

日暮邊風急胡兒白雪騎行行歌一拍平磧起寒沙

燕行雜詠

行行千里路曠望少人居水遠東丹國山圍肅慎墟

曙雲和草白寒磧帶沙虛無限關河事閑看愧有餘

其二

孤烟飛鳥處殘角夕陽時沙壤耕山稻畝家饌野麋

夷書蟲鳥別邊畜橐駝奇旅泊仍無趣蒼茫屢詠詩

其三

王事身仍遠殊鄰習未諧市童輕漢服閨婦刺唐鞋
草美家饒畜樵邀俗重柴怪來千古感偏委旅人懷

其四

異鄉淹日月歧路苦栖栖野店沙渾井平鋪屋盡泥

酒濃來薊市魚美出遼谿燕行一路酒薄魚劣皆不堪嘗獨薊酒遠魚為美品

惆悵非吾土徘徊意轉迷

其五

山河滿目捻成悲并邑依然記昔時素髻戴花孀婦

少朽棺聚石野魂危燕俗女子雖遭喪者亦挿花於頭人死則置柩中野或聚石其

上年久腐朽者若將摧壓所見甚惡中原舊老儒衣羨女直遺風酪飲

長安道中寄一
五光嶽千年清淑氣可能無意鍾男兒

其六

天地腥膻四十秋燕京曾是帝王州
星辰裂彩疏津水嶽瀆通靈跨
挹婁漢女獨存烏鬢髻胡兒仍着馬蹄裘

清人亂華之後華入皆從其制而獨女子髻鬢不變胡人之服其袖狀馬蹄故稱馬蹄袖云

新亭風景應依舊名士何人泣楚囚

申公獻琬夫人挽

從夫榮誥早乘軌範高門乍報珠胎剖
俄驚劒彩分雛哀丹穴鳳歌愴漆園盆
素幔寒流上歸旋八暮雲
大王大妃殿端午帖

汎蒲仍早夏城闕麥涼還斥靡陰功大舍飴聖體閒
三朝瞻盛禮千載奉歡顏抃舞臣民意看螯首戴山
追記昨歲夏迫於書狀八京仍拜太僕正於直
宿夜偶吟

筋力無緣効 聖時徒然芻粟老權奇羈金絡月渾
閑事暮雨寒郊半夜思

醉後偶吟

醒來氣味轉蕭疎土木依然卧弊廬
風八破窓霜滿室獨留殘燭照琴書

前月俞寧叔得一投示賀班志喜韻懶而未答

無何寧叔為嶺東佐幕之遊遂次其韻以贖
寂默寒齋餞短宵尚思疇昔寵榮叨百年過去同奔
駟十策干來已弊貂丘壑祗堪容薄劣朝廷未是少
忠勞有時孤憤還填臆同病思君但坐謠

明聖王后挽詞

沙麓呈祥日星軒降曜時宜家尊 母則柔軌配
乾維圖史徽音在紘緼美化施穹蒼哀不弔 宗祐
禍仍罹鼎鑄遺弓墜天傾舊石支陰功存保護厚德
履危疑

羣邪仍並戮元祐

屬重熙聖淑宜終慶

重宸嬰美疢

長樂軫深慈咫尺承權阻憂勞勿藥遲金縢繞卜吉
素髻遽成悲社飯同嬰慕粧奩助 聖思丁寧存緒
命供給念民疲祕服非新製魂筵減舊儀因山靈兆
從聚窟異香遺古殿春暉永

孤臣淚和

血哀挽綴蕪辭

朴晦叔老兄將之任原城以一棹就别舟中詠

懷

終年病幽鬱孤棹趁君行渚漲銅津遠烟收楮島呈
過從嫌薄俗離闕惜浮生佇立蓬窓久梧灘尚幾程

次韻

晦叔

漢水連天廣扁舟盡日行沈沈雨氣積隱隱暝姿
呈惜別憐吾子爲官笑此生相留拚一醉不復問
前程

晦叔有書來知板輿之奉已泊廣津約以明日
叙別書此以寄

聞君今美赴鷓路奉慈闈浦樹迎征蓋沙禽識舞衣
天秋大火落峽靜暮濤微明日班荆處那堪又送歸

偶吟

幽沈息人事兀兀坐如癡餘雪冒遙岸寒禽投暝枝
病來難處飲閒處偶成詩努力守疲勞營營徒爾爲

前歲大臣之罪三司也吳貫之道一以司諫出
補蔚珍余亦在逐中將還弊居與貫之暫別城
南爾後絕不得相問春間余以國葬入洛適
拜憲職陳章自列又被重譴光甫繼而投疏
因此又成紛紜矣今者貫之有書來自謂仙區
成趣視吾輩封萬言疏章惹一場風波相去甚
遠撫耳自幸云見之幾欲噴飯遂以二絕却寄
欲發貫之千里一笑亦仍以解嘲耳

惆悵城南共把杯還鄉去國兩心催空簾一閉仙槎
遠消息翻驚隔世迴

仙槎蔚珍號也借用乘槎
入經年還家問君平事

其二

危竿試了臥江皋寂默寒齋聽夜濤有耳休誇君獨
幸撫時爭似洗時高

次趙光甫

持謙韻

論思當日忝班清未有涓埃補 聖明幾愧非才聯
玉筍尚憐同病阻金莖丹心竚室憂昭世白髮雞壇
戀舊盟歲暮應須各努力百年吾道任窮亨

其二

自別音書少端居獨感時好詩驚忽枉乍讀慰相思
弦羽饒虛警杯蛇訝衆疑休營仍息謗未信落便宜

原韻

去年聯橐直西清只恃丹誠日照明風雨忽驚秋
一葉江湖贏得雪千莖憐君也未馴龍性歎我於
何結鷺盟早識行藏皆有命窮途所貴此心亨
相望幾何地不見幾多時各自緣貧病徒然費夢
思歲寒要共保時議謾相疑倘有玉猷興前溪夜
雪宜

次朴大叔

鐔韻

養拙松楸日窮年臥野扉久成狂酒癖方悟放言非
井廢新泥混爐閒舊篆微寒機如可就鄰壁借餘輝

原韻

苦憶廣陵客孤村獨掩扉文章憎命達謬開人
非好古耽黃卷銜盃臥翠微請君研索處吾道日
光輝

趙祥甫儀徵殤子挽

才子獨無命故人哀鍾情淚因埋玉盡眠為失珠驚
舞勺齡猶少為箕葉向成忍題同病語分作斷腸鳴
病醒困臥窓外風雨淒然適任生震明送酒求
詩書此以寄

醒來癡坐百憂新風雨淒淒惱殺人珍重故交情味

在奚囊貯送蒲壺春

聞安友墳菴梅花盛開病酒困臥無意往賞適

小奚折來滿枝繁英把玩久之仍叫一絕鄭世淳

仲安

春晚齋廬阻訪梅為綠閒病惱村杯山僮有箇風流
在折得清香滿把來

得一朋字韻將呈金都事植文與定山守及諸

友會江閣金丈又以前韻二首及別有一律絕

寄來書此以謝

盡日騰騰謝外朋客窓醒後乍伸肱衣冠懶性同中

散柴礪閒居愧右丞
旅憇每憐身似寄
御歸還喜氣仍增
新秋匹馬前期在
醉缺高軒儻更凭
右前欲寄者

其二

異鄉團會展親朋
旅館清宵共接肱
養拙每思捐外累
逢人却愧喚中丞
潮歸晚浦沙稜吐
雨過前洲嶽翠增
咫尺不能陪杖屨
虛樓盡日獨來凭

其三

勝地逢迎每盡歡
登臨不覺破愁顏
歸雲過壁巖姿露
宿雨添潮浦口寬
料得客情真悄悄
算來鄉路却漫漫
預愁羸馬西還日
旅店寒宵燭焰殘

其四

世道吾身底事干
江山到處卽爲歡
詩翁也使添竒勝
故遣漁舟雨裏看
是日金丈聞吾輩來會雨中遣漁具於岸下欲使吾輩觀賞

原韻

老去逢春不甚歡
韶光還怕照衰顏
少年豪氣都消盡
落日窮愁強自寬
茶院從他花寂寂
漁磯空憶水漫漫
遊人莫謾相招喚
臥病三旬興已殘
入城將還申公獻
以一壺寄來兼有詩
還家書此以謝

是非一指馬光陰
百年客端居守寂
默虛室淡生白

幸有故人酒挈榼還自酌煩憂賴可整感君能記憶
趙獻納宗著初度祥甫來設壽酌余亦赴會書
一律以賀

故人開勝酌黃見白眉間壽席秋光夕高堂舊疾安
時趙文榮歸看畫繡京畿都事戲舞試新班同社招

病新愈邀近那辭酌還

趙光甫挽

肯將孤節枉明辰抱累歸泉事莫因塵世萬緣俱
是妄簡編千載竟誰真精光豈泄懷沙憤素被長埋
報主身無奈故人絃絕痛海天寒日獨霑巾
歲光

甫以副學為清城所逐詎以將必誤國光甫遂一斥
不復未幾清城捐館光甫亦繼逝故鎮初云泉壤
一殺時屋上有白氣鄰舍皆見之貪不能具喪以布
甫被殺時屋上有白氣鄰舍皆見之貪不能具喪以布
三聯云

贈別趙生命興

每喜相逢有典刑話來存沒淨先零菴蘭寂寞迷寒
浦芝玉蕭騷影舊庭其子光甫孫子也時光甫斥死
座雪消春象逼錦溪梅發臘醪醒將拜明齋於酉
送君此去情無極何事巖崖獨掩扃

次壺谷南尚書龍翼日涉亭韻

朱門幾箇室廬完處儉休營覺已安小構定緣無地

起數椽仍作一枝看爽疑栗里風窓豁穩比西山雨
簫寒尚書所構即俗稱簫笠亭者始識行巖齊趣味琴樽盡日倚
虛欄

送崔汝和錫鼎副使赴燕

子役燕京歲已邁塵沙猶記困征翰醫閣日落羣山
紫薊野烟生大漠浮屠狗每稱饒慷慨證牛誰識罪
風流關河無限經心事贈策今朝又送遊

送柳集仲成運赴自如郵

異鄉何處問郵亭尚喜趨庭路此經荆萼北堂明絲
服瘴煙南紀避文星馬曹山色朝偏爽鳥道嵐光暮

更青不耐故人離索恨江湖春滿閉巖扃

寄錦山守權君敬持

脉脉停雲望思君信不來衣冠成隱吏山水試公才
製穩官稱錦吟閒閣有梅南州少相識樽酒為誰開
金佐郎萬翼挽

已流三獻泣貧後困囊螢薄宦須微祿沈疴隕百齡
新墳安舊麓遺架積殘經尚見留餘慶芝蘭暎謝庭
久堂朴判書長遠夫人挽

八座夫人餘七耄尊榮兼復受遐齡幾年斗極淪卿
月此夜泉臺識婺星牲養可堪催短日婦儀應得溢

芳銘士行門外畱殘客哀挽題來涕自零

壺谷南尚書小構在玉流洞嘗詫余以勝矣丁卯五月往楊山送婦翁葬來路歷叩則泉石頗有趣亭下瀑布累丈遷迤而下鏘鳴洞澈可玩解衣赤足盤礴移晷甚覺曾襟爽暢遂以一律

記之

記與壺翁語聞成玉洞栖選竒應為瀑探勝偶尋蹊散沫驚跳雹奔流訝飲霓獨憐殊進止此日阻攀携

是窩遺稿卷之一

是窩遺稿卷之二

疏

辭持平疏 庚申

伏以臣以禍釁餘喘痼疾嬰纏屏伏窮閭死亾無日乃者 聖明不鄙愚賤誤加 收召臣於是時疾勢甚篤委在床席臣家不知為計具陳病狀呈于本州冀得轉達 天聽有所指揮矣本月初一日繼受本道監司關諭使臣調理上來者臣承 命以來感惶交集寢食不寧雖知孱羸餘氣不任供職而誠得扶曳趨走一謝 恩命則退填溝壑實亦甘心累日調

治起試戶庭行步戰掉頭目迷暈加以日氣蒸滯外暑感襲僵仆呻痛飲啖都廢實無驅策起發之勢欲構進一疏更陳危痼之狀而孤賤之臣拘馬之疾屢瀆 嚴威罪合萬殞握筆徊徨不知所出仍竊伏念君臣猶父子也疾痛慘怛理無不赴今臣癘廢瀆死情勢危迫而若以分義之嚴不敢悉白其衷情以自阻於 仁覆之聽亦非臣子之義是以敢卒言之若其瀆擾之罪臣豈敢辭蓋臣稟賦虛脆氣血尪弱受生之初已不如人而命值奇覺在髻失怙筋骸未固損傷尤重人之視之者固已慮其不能為完人矣疇

孤艱蹇幸至成長家貧親老覓舉干祿濫蒙 洪造早忝科第得竊廩粟冀報劬勞不幸幼年所傷未老而發彊壯之日摧剝已甚視昏髮華百疾侵尋自念危敗之軀終無陳力之望六七年來縮齏荒郊矮屋壺飡母子為命積惡在躬神理降罰巨創奄及遘閔終天殃咎既重台禍未已母喪在殯一第毀死慘毒冤酷人理所極銜荼茹痛乞絕不得骨髓之疾尾閭於此中間危篤屢至澌溢一縷頑狠載罹寒暑憂制甫已 恩台旋臨風木成感撫躬嗚泣雖使臣身無薦疾義有可安誠不忍遽以此時起趨榮官以增不

洎之悲况臣賤疾已纏膏肓真元耗憊膚革枯瘁脚
膝攣痛氣息急促胃膈煩懣嚙物不下舊痰宿痞相
輔為害危形敗症有難悉陳重以屢經酷禍積憂傷
心神精銷腐意緒迷茫觸事昏爽狀類風癡祇使奔
走庶位必至僨事取誚矧此糾繩格非之任風裁整
物之地豈殘疾病心之人所可冒居者乎臣固無狀
亦有一端知覺銜恩畏罪怕物大情豈敢故為前却
孤負 洪私自取違慢之誅哉如蒙 日月末光幸
燭幽隱則亦不待臣縷縷煩複而必賜開允矣伏乞
聖慈曲加矜察將臣職名特許遞免俾得專意調

養以延垂死之喘不勝幸甚臣無任兢惶祈懇之至

辭正言疏

伏以臣於前月濫蒙 恩除至紆 召命而實以臣
痼疾纏身未任起發呈狀陳疏再瀆 天聽違慢煩
擾坐積罪戾惕息私室恭竢 嚴譴矣 聖度寬容
特 賜開允銘戴 恩私繼以涕泗意謂狗馬之疾
聖明既已鑑悉孤賤悃悞亦被 察納自此可以
循分安意杜門將息以畢餘命矣本月十五日繼受
有 旨以臣為司諫院正言令臣乘駟上來臣承
命感激深增惶隕欲遜避不進則分義至嚴欲奔走

是宮遺系卷二 三
供職則疾病難強鬱悒徊徨措躬無地不得已更暴
肝血之懇喧喋 清燕之中臣罪至此益無所逃矣
竊念臣致疾之源方痛之狀前疏所陳不啻醜縷今
不敢重煩臚列有同醫家症錄而惟是彌年宿痼非
如偶然外感而得者七情所崇增傷積損真元耗乏
營魄殞喪形枯血脫飲啜漸減僵臥床褥日就困劇
殘骸餘氣慄不可保若使驅策筋力裹束衣冠以供
世務則其顛頓踣敗之患誠不足恤而瘵官之誚債
事之憂有不勝言矣使臣有一分支堪之勢則 恩
諭至再一向違拒堅坐不動豈義之所敢出者乎抑

人生斯世其所自致者君親也臣既不肖孤露懷痛
窮天一念紆結惟在 聖明耳即今 聖志方新治
理清明羣情拭目若在 初服智者思效其計直者
思奮其忠臣適會斯時過沐 殊私一月之間歷踐
臺省其欲畢義陳力少效尺寸者亦臣子之常分人
情之至願也臣雖愚陋無比其稟性亦與人同豈欲
辭 明時而捨榮官嗜枯淡而甘羸餒以守此衡門
之下乎自痛枯禍餘生未老告疲抱瘵窮山心計違
舛戚戚嗟嗟與死為鄰臣固天之僇民世之棄物也
此由窮命使然臣復何言伏乞 聖慈諒臣危懇匪

由貌飾 憐臣賤疾已纏膏肓所有職名特 許遞
免俾得專心調養以延殘喘不勝萬幸臣無任激切
祈祝之至

擬上疏

全羅都事時擬進
呈病得述不果上

伏以臣性既愚陋病又深痼跼伏田廬望絕從宦乃
者 聖明誤加收錄圭華之下 恩命屢宣躬遭
聖世親沐 殊私豈不欲畢義陳力少效涓埃之報
而竊念臣人品凡劣才識鶻下前後所叨俱非可堪
量能度分不敢冒進且以凶禍餘生百疾纏身雖欲
自力厥路無繇徘徊前却屢形懇避惕息私室措躬

無地豈謂 聖度寬容不賜譴罰幕僚慎簡之日如
臣又當是任臣惶愧慙慙深增感隕所當聞 命趨
走服其職事以贖從前違傲之罪而緣臣宿痼未瘳
新恙又劇彌月困篤未任起發累度呈病不獲逋免
至於官限已過該曹催督之後始得慢慢出謝嗚呼
臣之罪戾至此無所逃矣惟是扶策羸病勉悉愚慮
少稱 任使可幸無咎而臣固不幸無才有病言其
材器則文簿考核之末有所不能語其筋力則原隰
驅馳之勞亦所不任其踳踣中路債敗公務者理在
不疑矣然臣既不能以此辭避終於拜 命則囊底

一得竊有耿耿於中者豈敢預憂 朝家不加擇采
且慮傍人或相譏議不一為 聖明言之乎臣請冒
昧畢獻其愚惟 聖明擇焉夫都事之任所幹者無
他緊務惟年分考講二件而已舉一道田疇檢覈之
政章甫激勸之責萃於其身其任亦重而竊恠都事
之所以自為者其輕若是也臣嘗屢仕下邑每見都
事之行驅駟從騶督然過去至於田政之勤慢儒業
之精荒漠然不加於意是豈為都事者率皆尸素無
能之人乎此由 朝家法不善教不豫而徒以空名
虛器責之於都事故都事自知其必不能而惟以苟

且竣事為意者也夫委人以所必不能之事而責之
太重則雖精能幹才亦趨趨難之誘人以所必可得
之利而罪不必加則雖廉恥士夫或冒昧為之何者
今夫一邑之地田結幾何而為守宰者亦不能疇履
而畝驗每每委之於監官書員輩則一道之廣一都
事於數月之內豈有遍踏之理而該曹公事每以坊
坊曲曲必須親履為辭夫該曹之為此言者豈不知
其必不能而亦曰姑以此應文責實而已此責人以
所必不能之一也都事知其必不能行故視以往日
謄錄而無着力奉行之意守令知其必不能然故亦

視以循例辨說而無惕念傳承之計上下相蒙苟冀無事如是而欲望其弭令乎行者不亦難乎且一面之小而書員輩隱瞞盜取者不知其幾何而朝家事自漏田十負以上守令罷黜今若使都事坊坊曲曲果能親履則一邑所漏豈止十負之少哉今日罷一守明日又罷一守及至事了則道內無留宰矣假令都事不計親故不畏強禦一道守令箇箇可罷而迎送之勞空官之弊又將何以為也都事之職在於踏驗之詳細而詳細之弊又如此臣不知何術而得其宜也此責人以所必不能之二也都事於此亦知

其必不能行故未嘗有一人以田政為意其跡為秉公者不過抽出一二箇不治守令摘得十數負欺漏田地聞罷塞責而已夫怒其不治而移乙於田政則此是以人求罪非據罪治人已非立法之意而其不及此者則惟視力勢腐弱舊來憎嫌而逞其志甚或以厨傳之豐殺禮數之厚薄而喜怒隨之至於豪勢之所在親故之有分者則入其邑闔眼而過矣守令亦知其必不能然故稍有治績者則以為吾他政既善都事豈能生事於吾邑哉有形勢者恃其形勢情厚者恃其情厚無是數者然後方憂見及皆以盛飾

訂餽甲論承奉爲事而已如是而欲望其田政不謬者不亦難乎夫都事既有此二必不能之勢則其未嘗親履疇畝一一摘奸者亦明矣常年新起之有無凶歲災結之多寡豈能知其髣髴而新起或火災結稍多則該曹輒加譴誚一切苛辦此責人以所必不能之三也都事不能爲無麪之不托不得已以新起幾結派責於列邑列邑亦不過分定於民結來歲便爲元田實結逐歲加定田結日增而都事何嘗實知新結之數乎不過手分世界裏化現出來耳至於給災之邑則不問被災之輕重所覈之虛實就其文書

中拖出幾結使作實起守令亦不得已以此災結分徵於民田而已如是而欲望其實惠及民者不亦難乎此臣所謂委人以所必不能之事而責之太重者也雖然此等諸弊 朝家亦非不知也特以經界之政非都事所可一一均節不過挈綱舉要加以督察使經費之入不虧舊課而末世人僞奸弊日滋亦不可苗疇而髮櫛之祇能摘治數人則自可以警其餘矣夫小人貪利穿窬不恥而竊盜之利田政最博何者今以一面之田盜取累數十結而零零瑣瑣分俵於宅人之田則所增不過錙銖而書員所取已是旬

石矣彼書員輩皆是鄉曲奸細利之所在不憚抵死趨之故一經書員便已暴富饒產者在處皆然而終其身不見刑禍夫以貪利之性挾可乘之機前有必得之利後無必至之刑而欲以一紙事目畏威止奸者無是理也今計一道之廣書員輩不知其幾人所漏之田亦不知其幾結而每歲年分所得漏田不過數十負所被罪書員輩亦不過數人奈何以一道數十負之摘奸數人之被罪而畏服千萬人之心乎此臣所謂誘人以所必可得之利而罪不必加者也夫上有必不可行之勢下有所必可得之利則其不能

摘隱撥伏悉塞奸竇使經界之政不歸文具者固其宜也臣謂欲革此弊則必須加出敬差官分配踏驗而守令論罪之法量加變通然後可也蓋曩日朝家之慮亦嘗及此以加出敬差一員定奪矣然以本道言之則五十三官幅員既廣若使如前行過而已則雖一都事亦優為而如欲一一親履在在遍驗則恐非二人之力所能辦也必加差二員與都事為三員使一人所管不過十七八邑一邑所留少者三四日多者五六日日力寬展意思不迫得以其間簡其騶率薄其厨廩出八阡陌親自量覈使邑無不到之

面面有必量之田則踏驗可以詳細矣如此然後其
 有漏負守令叅酌定罪小邑一結中邑一結半大邑二結以上守令決杖營門小邑一結半中邑二結大邑三結以上守令罷黜小邑二結中邑二結半大邑三結以上守令徒配十結以上守令則無論大小邑定以田結多寡監官書員田主皆充軍其大小中邑定以田結多寡輩則十負以上論以全家之律以實西北空虛之地則書員輩被罪者衆而守令不必盡罷矣如是而都事敬差官着力去做摘發欺隱隨現重究處處有將驗之勢人人有畏罪之心則書員輩必不敢肆其奸欺矣至於新起災結之數亦不令都事任志增減必依本邑文書詳驗去處以覈虛實其見發守令輕者

有決杖之罰罷黜之責重者至施徒配充軍之律則守令亦必警惕奉行不至如前日之弛慢矣臣之所言其於經界之政雖非至者而未必無少補惟願殿下留念焉夫教之不素則雖聰明之士無以自奮罪之太暴則雖奉法之吏有所不忍何者今夫遠方校儒之輩以村民子姓託名儒籍終身免於軍伍之役則其意望滿足更無餘冀而國家教養無法未嘗立一經之師責一日之課不漑而望實不琢而求文宜其沒世無所成也及至考講之日挾冊而進舉止蚩野意緒恇怯視其顏則顏狀老大鬢毛白紛而

所業者童習而已一加詰問瘖不能對此豈盡魯鹵
不美之資乎亦由不教不養不能興起而然也此臣
所謂教之不豫則雖聰明之士無以自奮者也此輩
少文鮮識誠不足惜而亦嘗儒冠儒服以士為名矣
一次落講長為軍保雖欲自力於學前路荒涼意願
休歇此所以薄其生而輕自棄也都事亦知其如此
若一朝禽獮草薙盡歸軍役則實有隱憫於心者故
雖甚不敏輒形寬貸或加嘲勦用資笑謔不過摘得
略干人以應故事而已此臣所謂罪之太暴則雖奉
法之吏有所不忍者也夫以不素之教加太暴之罪

則其不能考業辨志精加覈試使造士之法不至虛
套者亦其宜也至於業儒考講 朝家雖有事目都
事未嘗舉行蓋年分考講一時兼舉都事豈有許多
精神可以一邊遍踏田疇一邊悉考多士乎臣謂欲
革此弊則必須立師長教訓之課除落講充保之法
然後可也夫巫醫百工亦皆有師士而無師則雖有
受道之質孰與成之今就一邑中擇其有學有文者
不必太高其選惟就其中擇其優者其選勿拘朝官
生進幼學惟視其才可堪而為之如有才則雖庶孽
亦可如前日金謹恭李仲彪宋漢弼之徒皆以庶孽一
生苦學成就人才亦多定為師長量
其鄉村遠近分教士子其所授之書使讀一般經書

一般史記

經書則初讀小學次大學及或問詩經禮記書經周

易及啓蒙春秋史記則先

讀左傳次綱目次宋鑑 一月必讀經書一篇史記

一篇我國卷子頗大古人所編一篇不過三數十張

使一月所讀經史不過五六十張則聰明者可

以餘力博觀羣書魯鈍者亦可以企及矣如中庸每

大學不為分篇者亦依他書或分三篇或分二篇每

月朔日守令謁聖時師長率諸生進叅守令試其學

業其所讀篇帙置簿于冊略如朝士吏文漢語置簿

及期喪葬前則師長具其由于守令其十五歲以下

懸頌於成冊計其日子戒其篇帙 其十五歲以下

童蒙則亦令授小學史略此則不必限以二篇之規

都事考講時閱其置簿試以經史各一處其句讀精

熟文義通貫者為上其次句讀不錯文義粗解者其

句讀文義尤甚粗生者為不通其不通者亦不充定

軍保祇令徵布一疋名以落講布輸送該曹以補軍

需之用童蒙亦試以時讀雖不其落講人亦令依舊

就學明年考講時并許入叅前雖不通而後若粗曉

則除落講之籍前雖稍解而後若全生則入出布之

科如此則渠輩亦知不至永棄且憚逐歲出布是必

感奮激厲委已于學而都事亦無多士定軍之慮必

能詳試所業雖有不能不憚澄汰不至容貸如前矣

惟師長及儒生登上庠與年五十以上者許令免講

如初試之類雖屢中不許免講其餘則勿論業儒庶孽校生并皆考

試無一人不叅者則鄉中游惰之習亦庶幾少革矣
 蓋我 國之中幸民極衆不農不商無文無武逸游
 終年者滔滔皆然而獨使無告軍兵之家隣族代役
 枯骨微布豈不謂大哀耶周公之法以縞冠玄武垂
 綬五寸為惰游者之飾荀子曰不由四民之業者是
 謂奸民奸民不生王道乃成今一邦之內惰游者不
 知其幾何而 朝家過於歲疾不示所惡此誠便於
 奸民矣不知於王道何如也今使一邑閑游之輩并
 問願欲其願為士者率令就學於師長試業於都事
 欲操弓者稱以業武別成一籍而使於兵使或營將

巡歷時試以武藝兵書其不中不通者依儒生例亦
 令徵布上送必年五十然後亦許免試儒生應講者及業武應試
者守令并皆成冊書其年甲一留本邑一送都事及
兵使營將所其有死在喪移徙年滿之類即令牒
報仍使懸項於營案儒生新錄業
武新屬者亦預報各營并即置簿則其於武士激勸
 之方亦大有益矣如是而猶有惰游無屬之類則守
 令并皆搜括悉定軍役必使一國之人非儒則武其
 學術才藝亦令精勤適用然後已則國無奸民野有
 實才安知其無彬彬文學之倫赳赳干城之雋出為
 世用乎如是則軍籍不必行儒布不必捧而 國家
 所獲亦已多矣至於考講之期則必以年分畢後春

夏之間別為行事務專一心力不分得與諸生從容講劘以盡誘掖之方使無慌忙不精之弊而都事亦必以有文學時望者選擇差遣責以實效無使如臣空踈滅裂之才叅錯其間則觀感之下縫掖自勸孰不精白奮勵以承 朝家美意乎臣之所言其於造士之方雖非大者而亦必有小益更願 殿下加意焉嗚呼臣於向來雖病未供仕亦嘗名在朝班今當遠離冒貢為說而顧其所列至微至細未有崇論宏議可以概 聖心而裨 聖治者臣亦竊自悲焉雖然人主聽言之道不以卑近而忽之故能以一國

人之耳目為吾之耳目古之聖王所以開廣心思恢隆治化者率是道也臣伏觀 殿下近日聖志重新如日之中臣民顯若無異初服上自朝廷下至韋布皆欲輸忠而效計封章進言亦非一二則奇謀長策計已日進於 殿下之前矣然而尺聽累月未聞 殿下用某言而行一策革一弊者 殿下循例議處廟堂循例防 啓甚至顯褒其言而實棄其忠其何以集合羣策做成治道使國病民瘼少有瘳乎此臣所以熾噫仰屋竊歎於 聖世者也臣所進二說雖關變通亦無甚緊在 殿下為之亦猶有財而自用

有子而自教之耳 殿下如以臣言爲可則請速議
處及臣未 陛辭前早蒙 指揮奔走奉行俾得叩
竭小智獲展微勞則臣雖顛仆踣斃有所不辭不然
而委之以所不能責之以所不忍執虛求實就無辦
有輒以文法從事則如臣鴛綬無幹者固有所不任
矣不過尸職鋪啜疾驅驟完因仍舊轍苟免罪戾無
一寸裨補於 國徒貽驛路官家之弊則臣雖無狀
亦竊恥其如此也孤賤小臣干冒 嚴威不任兢懼
屏營之至

是宮遺稿卷之二

